

Lus Nthuav Qhia Txoj Kev Pab Cuam Birth to 3 (Txoj Kev Pab Rau Me Nyuam Yug Kiag txog 3 Xyoos) Lub Koom Txoos Nqua Hu Cuag Pej Xeem Tsev Neeg Kev Pab Tawm Tswv Yim Saum Huab Cua

Keeb Kwm

Wisconsin Department of Health Services (Tuam Tsev Tswj Xyuas Cov Kev Kho Kab Mob Kev Nkeeg) (DHS) xav kom txhua tus niam txiv los sis neeg zov tu tus me nyuam muaj kev cob pob los sis kev tsis taus ras paub txog Txoj Kev Pab Cuam Birth to 3 (Txoj Kev Pab Rau Me Nyuam Yug Kiag txog 3 Xyoos), nkag siab txog cov txiaj ntsim zoo ntawm txoj kev cuam tshuam ntxov, thiab paub mus muab cuag txoj kev pab. Kom ua tau li no, DHS tab tom tsim muaj [lub koom txoos nqua hu cuag pej xeem](#) uas yuav muaj cov khoom cuab yeej thiab lwm cov chaw muab kev pab los txhim kho thiab nthuav qhia ntxiv Txoj Kev Pab Cuam Birth to 3 (Txoj Kev Pab Rau Me Nyuam Yug Kiag txog 3 Xyoos) rau thaum lub caij ntuj tshiab hauv 2021.

Qhia txog lub koom txoos

DHS yuav muaj ob lub sij hawm rau tsev neeg pab tawm tswv yim saum huab cua, uas cov tsev neeg tau lub caij los kawm ntxiv txog Txoj Kev Pab Cuam Birth to 3 Program (Txoj Kev Pab Rau Me Nyuam Yug Kiag txog 3 Xyoos), kawm txog lub koom txoos nqua hu, thiab qhia txog cov lawv paub, cov kev xav thiab cov tswv yim ntawm lawv tus kheej. DHS yuav muaj thawj lub sij hawm thaum hnuv Zwj Quag (Tuesday), Peb Hlis Ntuj Hnuv tim 9, 2021, thaum 9:30 sawv ntxov thiab lub sij hawm thib ob rau hnuv Zwj Teeb (Thursday), Peb Hlis Ntuj Hnuv tim 11, 2021, thaum 6 teev tsaus ntuj.

Tau muab cov nqe lus nug nram no los nug cov tsev neeg:

- Koj yuav piav qhia li cas txog Txoj Kev Pab Cuam Birth to 3 (Txoj Kev Pab Rau Me Nyuam Yug Kiag txog 3 Xyoos) rau koj cov phooj ywg thiab cov neeg hauv tsev?
- Yam dab tsi ua rau koj txiav txim rau npe koom Txoj Kev Pab Cuam Birth to 3 (Txoj Kev Pab Rau Me Nyuam Yug Kiag txog 3 Xyoos)? Yam dab tsi txhawb koj txoj kev txiav txim hais tias “koom” los sis “tsis koom”?
- Puas muaj tej yam koj xav kom ua los sis hais txawv dua li thawj zaug hais qhia rau koj txog kev cuam tshuam ntxov los sis Txoj Kev Pab Cuam Birth to 3 (Txoj Kev Pab Rau Me Nyuam Yug Kiag txog 3 Xyoos)? Cov ncauj lus los sis cov lus piav qhia twg yuav pab tau koj txog txoj kev txiav txim no?
- Koj xav tias cov tsev neeg yuav tsum tau paub txog dab tsi thiaj txawj txiav txim txog txoj kev cuam tshuam ntxov uas tsim nyog muab ntxiv rau peb cov khoom cuab yeej nqua hu PSA?
- Puas muaj tej yam koj xav kom muab ntxiv los sis kom peb paub txog?

Cov ncauj lus tswv yim ntawm cov tsev neeg

DHS tau hnov ntau yam ncauj lus tswv yim muaj txiaj ntsim los ntawm cov tsev neeg thaum cov sij hawm pab tawm tswv yim saum huab cua. Cov kev xav thiab tswv yim no yuav pab nrog kho lub koom txoos thiab txhim kho txoj kev pab cuam Birth to 3 (Txoj Kev Pab Rau Me Nyuam Yug Kiag txog 3 Xyoos) kom zoo dua ntxiv.

Cov tsev neeg tau qhia rau DHS tias:



- Txoj kev pab txheeb tau cov kev txhawj xeeb ntawm txoj kev loj hlob thiab tau pab tej muaj txiaj ntsim rau cov me nyuam. Ib tug niam txiv piav qhia thawj zaug hnov lawv tus me nyuam hais nws thawj cov lo lus vim yog txoj kev pab cuam tshuam. Lwm tus niam txiv piav qhia txoj kev zoo uas tau ntsib thaum tib neeg teb lawv thiab piav qhia txoj kev pab rau lawv, xyuas kom lawv nkag siab txhua cov kev taug thiab teb rau tej lus nug.
- Yuav tau muab txoj kev pab mus rau hauv txhua cov chaw muab kev pab thiab cov koom haum kom zoo dua ntxiv kom lawv paub zoo txog txoj kev cuam tshuam thaum ntxov. Qhov no yuav pab kom cov tsev neeg nrhiav tau cov ncauj lus txog txoj kev pab.
- Nws zoo dua rau txoj kev pab muab cov ncauj lus qhia ncaj qha rau cov tsev neeg thaum cov caij teem ntsib kws kho mob, tuam tsev kho mob, cov chaw zej zog sib koom ua ke, thiab lwm cov chaw uas cov tsev neeg siv sij hawm nyob txog. Cov tsev neeg pom tias cov kev pab nyob rau hauv lawv lub vaj lub tsev thiab lub zej zog muaj txiaj ntsim zoo.
- Cov tsev neeg tsis nkag siab zoo txog kev tsub nqi los ntawm txoj kev pab, thiab qee cov chaw muab kev pab uas xa mus cuag tsis nkag siab txaus yuav piav meej rau cov tsev neeg. Yuav tsum muab cov ncauj lus txog kev tsub nqi los ntawm txoj kev pab qhia tam sis kom cov tsev neeg nkag siab lawv cov kauj ruam tom ntej.
- Qhov tseem ceeb ntawm txoj kev raus tes ntxov thaum twg pom kiag tej cim qhia txog kev cob pob los sis kev tsis taus yuav muaj txiaj ntsim zoo rau cov tsev neeg thiab cov chaw muab kev pab. Cov txiaj ntsim ntawm txoj kev raus tes ntxov kom nkag siab txog me nyuam txoj kev loj hlob thiab kev daws cov kev tu ncuai sai li sai tau yuav puav leej tseem ceeb heev rau peb txoj kev paub thiab kev to taub.
- Txoj kev pab thoob plaws 72 lub cheeb koog yeej muaj kev tsis zoo sib xws, nrog rau neeg ua hauj lwm txoj kev raus tes thiab sib tham nrog cov tsev neeg. Cov kev xav tias qhov no muaj tshwm sim vim yog tsis muaj tib co kev pab zoo sib xws hauv txhua lub cheeb koog thiab ib lub cheeb koog twg yeej lis Txoj Kev Pab Cuam Birth to 3 (Txoj Kev Pab Rau Me Nyuam Yug Kiag txog 3 Xyoos) sib txawv me ntsis.
- Yeej muab tsis tau txoj kev pab kom txaus tsim nyog tas li rau cov me nyuam uas muaj kev tu ncuai loj heev. Tsis npaj cov kev pab heev npaum li cas thiab cov hom kev pab uas muab rau cov tsev neeg kom haum rau ib tug neeg twg zus los sis feem ntau tsis muaj txaus los pab rau cov me nyuam uas muaj cov kev cob pob los sis cov kev tsis taus loj heev.